



Chamna Aw

(A Monthly Organ of the Evangelical Synod Church)

Vol. XXXIII

No. 02

May, 2018



2018
KUM
THUPI:

“GAMLAK DING TAMTAK AUM NALAI HI”

JOSHUA 13:1

Editor: Rev. T. Kamgin Gangte

Chamna Aw
(Evangelical Monthly)
Regd. No. 64436/96
E-mail, e7s7c7@gmail.com
www.synod church.com

Alak man apat ₹
If undelivered pliz return to:
ESC SECRETARIAT,
Chengkawnpang, Churachandpur,
Manipur - 795158

Published by Rev. T. Kamgin on behalf of the Evangelical Synod Church
Printed at: THAWNSAUV PRINTING WORKS, CENTRAL LAMKA.

PIN

CHAMNA AW PHUNGVUKNA DING	
1. Chief Patron	₹ 5000.00
2. Patron Member	₹ 4000.00
3. Diamond Member	₹ 3000.00
4. Gold Member	₹ 2000.00
5. Silver Member	₹ 1000.00

Chamna Aw

SUOHPAT KUM 1986

a sunga thu umte

• Editorial.....	01
• Nute ni sermon.....	02
• Pentekost huih	04
• Penticost kut chanchin	07
• Inkuon leh sapchuom.....	09
• Kristien nungtawlh/nungchawn...	15
• Isu zieka thih ngam.....	19
• Puitu chuh bang ahi?.....	21
• Piengthak na hihna bangtin na mang em nang.....	25
• Mahni-kithat.....	28
• Ngetna.....	30
• Thuching khenkhat	31
• ECT	31

Vol. XXXIII No. 02
May, 2018

EDITORIAL BOARD

Chairman:

Upa Dr. L.S. Gangte, M.A. M.Phil.

Editor:

Rev. T. Kamgin Gangte, M.Th.

Asst. Editor-cum-Circulation Manager

Rev. Khaithinthang

Bible Study:

Pr. Khailalsiem M.Th.
Evan. Paukhomang B.D.

Contributing Editor:

Upa Paozalun BA
Rev. Khaigin BD
Rev. L.Sata B.Th.
Rev. Thangkhoiem M.Div.
Rev. T. Kampu M.Th.
Rev. Henkholien MBS
Miss Chinbawi MRE

Editor ana hite

1. Upa Lalkhagin	1986
2. Rev. Khaigin Gangte	1987-2005
3. Rev. Lamkhawsat	2006-2013
4. Rev. Thangkhoiem	2014-2017

- Kumkhat lakman Rs. 150/-
- Thusuoh nuom nei te'n ESC Office Post Box-54, Chiengkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thukisuoh cheng hi ESC Ngaihndan ahi vek khel puoi. Article zikte'n a mawh a kipuok chiet ui.

PRINTED AT
THAWNSAAU PRINTING WORKS
CENTRAL LAMKA

CHAMNA AW PATRON MEMBER LIST

CHIEF PATRONS:

1. Pu S. Paukholal
2. Ebenezer Chapel
3. ESC Shillong
4. Mr. S.K. Juliana
5. Nk Sawmte K. Gangte
6. Nk Esther Tinglamkim
7. Pu Thangzago (K.Vawmcha)
8. Langol ESC
9. Mrs Hoisi W/o Laldawng K.Gangte
10. Upa Letkam
11. Pu (L) Kamgo K.Gangte
12. Shillong Local Missionary Board
13. Pu Lunkholal Gangte
14. Pu Noksieik

PATRON MEMBERS:

1. Pu Henkhojam
2. Sep. L. Gangte
3. Dr. Lalzazdal
4. Upa Niala
5. Pu P. Gangte
6. Pu B. Manga
7. Pu S.T. Gangte
8. Pu Lalkithang
9. Rev. Dr. Soson
10. Rev. T. Kampu
11. Pi Phalneithiem
12. Pu B.K. Gangte
13. (L) Hengo
14. Upa Dr. L.S. Gangte
15. Pi Niengzalam
16. Pu Sangvung
17. Pu S.K. Gangte
18. Pu Lovejoy
19. Pu Goginthang
20. Pu L. Minlun Gangte
21. Pi Lalkim
22. Hav. H.L. Gangte
23. Ms. Grace Lalbiek
24. Pu L. Neihsiel
25. Pu Lamtinlien
26. Pu S. Thienlaljoy,
27. Pu L. Sawia
28. (L) Lt. Col. L. Gangte
29. (L) Upa K. Manga Gangte
30. Rev. Dr. Th. Lamboi Vaiphei
31. Pu K. Pauboi Gangte
32. Siemlaljoy

DIAMOND MEMBER:

1. Upa Lamkhodem
2. Mrs Felli
3. Moizokim (Chloe)
4. Pu Lama B. Gangte

GOLD MEMBER:

1. Pi Niengneihchoi
2. Agape Children Eng. Jr.H/S.
3. Upa Th. Mangngul
4. Pi Chawimawi W/o Sonpee S.Thangjom
5. Pastor Goulienmang & Family

SILVER MEMBER:

1. Pi Sailothangi Thangzom
2. Antioch High School Abicharan
3. Upa Thanglal
4. Upa Laltinthang
5. Lamneihhat
6. Pu Sonpee S.Gangte
7. Pu P.L. Manga

- | | |
|------------------|------|
| Chief of Bunglon | 1994 |
| D. Phailien | 2014 |
| Shillong | 2014 |
| Lampfel | 2014 |
| Fujairah,UAE | 2015 |
| Gangte Veng | 2015 |
| Chiengkawnpang | 2015 |
| Langol | 2016 |
| Jiribam | 2016 |
| Bunglon | 2016 |
| Phuolsanbung | 2016 |
| Shillong | 2016 |
| New Delhi | 2017 |
| New Lambulane | 2018 |

- | | |
|-------------------|------|
| Siempat | 1994 |
| 5th Assam Regt. | 2003 |
| Chiengkawnpang | 2004 |
| Shillong | 2004 |
| Shillong | 2004 |
| Shillong | 2004 |
| Shillong | 2004 |
| Shillong | 2004 |
| Shillong | 2004 |
| Delhi | 2004 |
| Dimapur | 2007 |
| Guwahati | 2008 |
| Dehradun | 2008 |
| Dehradun | 2008 |
| Chief of Chongmun | 2010 |
| Chiengkawnpang | 2011 |
| Chiengkawnpang | 2011 |
| Chiengkwanpang | 2011 |
| Shillong | 2011 |
| Kohima | 2013 |
| Shillong | 2013 |
| Shillong | 2013 |
| Shillong | 2013 |
| Shillong | 2013 |
| Guwahati | 2013 |
| Shillong | 2013 |
| Shillong | 2013 |
| SDO H.Q. Veng | 2013 |
| Gangte Veng | 2013 |
| Chiengkawnpang | 2013 |
| Shillong | 2013 |
| Hill Town | 2015 |
| Chiengkawnpang | 2015 |
| Lampfel | 2016 |

- | | |
|----------------|------|
| Chiengkawnpang | 2015 |
| Chiengkawnpang | 2015 |
| Lampfel | 2015 |
| Langol | 2016 |
| New Delhi | 2014 |
| Ithing, Thanga | 2016 |
| Bunglon | 2016 |
| Lampfel | 2017 |
| Tripura | 2018 |

- | | |
|-----------------------|------|
| Old Lambulane, Imphal | 2014 |
| Tripura | 2014 |
| Bijang | 2015 |
| Gangpimuol | 2015 |
| D. Phailien | 2018 |
| Lampfel, Imphal | 2018 |
| Lailak, Mizoram | 2018 |

**EVANGELICAL COLLEGE OF THEOLOGY
CHURACHANDPUR, MANIPUR**

(Affiliated to ATA)

Admission Forms for the year 2018-2019 are available and can be had from the Office during office hours or can be downloaded from our website- <http://ectindia.com> in pdf format.

Admission Datelines are as follows:

- Last Date of Submission of Forms : July 9, 2018.
- Date of Entrance Examination : July 10, 2018.
- Registration of old and new students : July 11-13, 2018.
- Hostel Mess Begins : July 13, 2018 (Evening).
- Orientation : July 16, 2018.
- Classes begins : July 17, 2018.

Courses Offered:

- Dip. Th. For CI-X passed candidates.
- B.Th. for CI-XII passed candidates.
- M.Div. for Secular and B.Th. graduates.
- M.Th. (Missiology) for B.D. or M.Div. graduates (seats are limited).

For further information, please contact:

The Principal,
Evangelical College of Theology
P.O. Box -34, Nehry Marg, Rengkai,
Churachandpur-795128
Manipur, India.
Phone & Whatsapp: +919612055348
Email: principal@ectindia.com
Website: <http://ectindia.com>



Sapchuom in a mamawh mah mah te lak a khat chuh CHAMNA ahi. Puitu masate'n Sapchuom sung ah "Chamna" a pawimawh hi, tii hingeri ding ahiu a tu a I magazine uh "Chamna Aw," tih a a hun min vawh u hih. Sapchuom lam chauh tih tak loh, taksa lam khawsakna zieng zieng a le chamna a mamawh mah mah mai hi.



Bangziaka chamna mamawh a? Chamna a umna gam ah Muonna a um a, Muonna a umna gam ah khantohna a um tei hi. Mihiem te'n I tup leh I dawih pipen kiki dawng leh atam zaw pi hin, "Khantohna ahi ka tup," I tih tei uh ginchak a um hi. Khuti chu ahih leh khantohna va muhna ding leh va tuokkhakna ding a chuh a lampi dik a I chieh ngailo ding ahim? A dawnna chuh, "Ngai e," tih hi ding ahi. Bang hileh a va muh na ding leh a va tuokkhakna dinga chuh a lampi dik hawh khak ngai ahi. Khenkhat chuh lampi a kawu zawng zawng a hawh a va tuok khak theih le a na um khamawh die!! Hilele zie chu a pha pen ahi khel puoi. Alampi diklo a a mawh mawh a haksaka taka va tuokkhak sang chun, a lampi dik tak hawh a va tuokkhak chuh maiman pen ding ahi.

Sapchuom khantohna ding in chuh a kawu zawng zawng a chieh a va muh chi hitalo ahi. A lampi diktaka hawh a a zang pen pen chuh zuih ding himai ahi. Zie a khantohna ding chun CHAMNA ki ti hi a lampi khat ahi. I Sapchuom khantohna dinga pan I laknawp chiet uh ginchak a um a, a ziek chuh kuomah khantohloh ut I um puou hi. Zie a chamna I tih hi mimal a a um a ngai a, mihiem leh mihiem kal a le a um a ngai hi, Pathien tawh mihing kal a le a lo theilo ahi. Insung khantohna ding ah Inkuon khat chu a kituok uh a, a kicham uh a ngai hi. Mi kituoklo te In sung ah khantohna a um puo a, zie guol mah chun Sapchuom kituoklo a khangto thei puoi. Ka kituok bek puou a chuh ka khangto tho ui, I ti maithei, kituok lo tak kawm a khantoh na sang chun kituok tak leh ki chamtak a um a khantoh chuh a detdo a, a muon um a, damsung daih le ahi.

NUTE NI SERMON

“Tihkzeta ka hun hilh na hiu hi, khawvel pumpi ah khawi ale Chanchinpha a kigena tak ah, zie numei (Mari) thilhih hile amah hetzingna digin gen zel hi’n a.” (Mark 14:9)

A. NUTE THILHIH THEIHNA:-

1. Khawvela sudamtu lopipen chuh Nu ahi (Mother is the world greatest physician).
2. Khawvela sinsaktu (teacher) lawhtingpen chuh Nu ahi (The world most successful teacher).
3. Nu chuh khawvel sumdawnna kipaana lopipen ahi (The world’s most important business executive).
4. Khawvela mi thunun, thuzawh thei pen chuh Nu ahi (The world most powerful influence).
5. Nu chu Sakhuo lama a ettawntak pen chuh ahi. (The world best example of religion).

D.L. Moody kawmah Nu khat in, “Pathien thu gen dingin Pathien in ei sam hi” a tih leh Moody chun, a Inkuon chanchin uh a dawng hi. Amah nu chun, Pasal ka nei a, cha sagih ka nei hi, a ti. Zie phet chun, Moody chun, “Chanchinpha gen dinga Pathien in ahun sap chauh hilo in, Sapchuoam tamtak ahun piekka na hi ta chu e,” ti’n a dawng hi.

Pathien a dinga kipumpiek nute a dingin Insunga Pathien a dinga kinamatna hi athawn ahi puoi tih hetding ahi.

B. NU MAWHPUOKNA (Thuchingte 31:10-31):-

1. Tu leh tununga chate hihna ding chu Nute mawhpuokna ahi. (Prov. 22:6)
2. Nu chun chate chung a hihding a hihloh chun, thilpha kiheimangsan ding a hiu hi (Prov.29:15).
3. Chate chu Nute hinkhuo’n a thuzawh mah mah mai hi (II Tim. 1:5).

THUCHING KHEN KHAT

- Nang hawn mite hih Pathien kawm na tun guou a, Pathien in nang mah ah a gam a tun nuom ahizawi.
- Pathien hih ahinna bangtaka I ho leh a kipak a, mihiem te hi ahinna bangtaka I ho leh a lungnai.
- Ho-In hi mithiengtho te ki pawlkhawmna ding chauh hilo in, mi gilo te dinga Hospital ahih ding ahi zawi.
- Pathien hih en I het masanga le, Aman sawta ei het ei tai.
- Ho-In hi mihiem te kilim bawl leh ki pahchakna ding hilo in, Pathien chauh pahchak leh limbawl na ding mun ahi.
- Na phat zieka Pathien in a hun deih ahipuo a, na phatlouh ziek taka Pathien in a hun deih ahi zawi.
- Na phatna suonlam in Pathien sukupak puon na tin, na phatlouhna suon lam in Pathien sukupak inla.
- Mihiem ten pawlam lat dan I ensek ua. Pathien in vang sunggil lam a en sek hi.
- Pathien in kithawihna sang in, diktakna leh thuawihna hi a pawm zawi.
- Pathin limbawl na hah piek phawt leh, nang limbawl sa na hi.
- Pathien tel lo a hinkhuo kipahna ding na hawl lai chan mu ngei puon a.



Chamna Aw

Nanguh dinga ka thil guot chuh ka kihet ngâl a, tunung a ding a kinepna hun pie dingin, thil phalo hilo in, phatna ka ngaihtuoh a hi zawi! Lalpa'n Atii.' Jeremia 29:11. I lungthim a kinepna bei a I um nunginle Pathien in deihna neia ei siem ahi a, ei uh dinga thilpha guonggalh A nei hi. Na masang hinkhuo ding A guontuoksa ahi a, haksatna mun-ale hun panpih ding ahi. Himahleh, zie apat chun le Lalpa na Pathien u chuh na hawl u a, na lunggil cheng u leh na lungthim chengcheng uh a na hawl u chun mu kit inlau. Dannihna 4:29. Pathien na hawl chun mu ngei

ngei ding na hi. Pathien in a hun lungsiet hi. Thu ka hun pie hilo maw? Hattak leh hangsan takin um in; lau ki'n la, lungkie diek ki'n: Lalpa na Pathien chuh na chiehna tak ah na kawma um zel ding ahi," ti'n a gen a. Joshua 1:9.

Kristien, gingu khat I hih chun Pathien Thagau ei mau ah Aum a, Pathien in hatna ei hun pie ding ahi. Hukdam cha diktak chun mahni kithah ngeiloh ahi. Hinna eipie Lalpa deih bang a I mat theihna dingin Pathien kawmah kitulut chiet hitiu! Amen!

NGETNA

Kuole Chamna Aw phungvukna dinga Panpihna pie nuomte dingin anuoia bang hin piek theih zing ahi:-

1. Chief Patron - Rs. 5000.00
2. Patron Member - Rs. 4000.00
3. Diamond Member - Rs. 3000.00
4. Gold Member - Rs. 2000.00
5. Silver Member - Rs. 1000.00

Chuleh, anuoia bang hin mahni ngap dan dana pan theih zing ahi.

1. Lawhtitna zieka kipahtu genna.
2. Kichen kum hetzingna.
3. Pien kum hetzingna.
4. Ana muolliemsate hetzingna.

Zie achunga kisunglang haw ahih lunglutna neite'n Editorial Board te kawm ah bangtik lai inle piektheih/kihetsak zing theih ahi.

Chamna Aw

4. Na pasal leh na chate limsaklo dingin Pathien in lamdang ah a hun sam puoi (I Tim. 5:8)
5. Pathien in bang hih dingin ei kawkmuh em? Hetchien apawimawh hi (Dannihna 6:4-9).
6. Nang kitheng masa'n, midang na then masang in (Matt. 7:1-5)
 - a. Mi hihna suklandang haihsan inla, lungsiet in.
 - b. Na zi/pasal nungchang then guo tie, kinakna pieng zing ina. Nang kitheng tie, chamna um ina.

C. MI KHENKHATTE'N NU HIHNA A GENTEU:-

1. Abraham Lincoln chun, "Tu a ka hihna, ka hung hihna ding kinepna cheng cheng hi ka Nu a kipat ahi," a ti.
2. Napoleon chun, "French gam in Nu pha a pawimawh hi," a ti.
3. Timothy Dwight chun, "Ka lawhtitna thuguk chu ken Nu diktak ka neih ziek ahi" a ti.
4. D.L. Moody chun, "Nu cheng cheng hi kei nu tawh bang chiet leh Police leh Suongkul ngai puo'n a," a ti.

NUTE DAWTNA

1. Nu na hihna ah bangti'n na kikawih em?
2. Pasal/Chate'n a hun ngaisang un na he?
3. Insung nu mawhpukna hi khawp taluo na hi ta'm?

"Na kahlai hai inla, na mitthitui thiekhul in, na chate dinga na thilhih hi kipahman piekloh in um puo'n a." (Jeremia 31:16)

PATHIEN HUIH

PENTEKOST HUIH



Rev Dr Ellien Gangte

Chun, Pentekost ni a hung tun in, gingtute cheng chuh lungthim mun khat in abawn un mun khat ah a um khawm vek u a. Tichun, hatkhat in, van apat in thil gi, huihpi nung guolin a hungtung ta phut a. Zie chun, a chutna In u chuh a hihdim vek ta a. Chun, lei haw chuh mei guola kihawm zak in, a chungu ah a chu ta a. A bawn un Thagau Thiengtho in a dim vek tau a, Thagau in a pau sak guol zelin, pau zatchuom in a hung pau tau a. Chun, khawvel gam tin apat a hung khawm; Pathien limsak Judate chuh Jerusalem ah a châm u a. Nasepte 2:1-5.

Pentekost huih nung ahin thilmak tak aum hi. Pathien Thagau Thiengtho thil hihtheihna melchikna muh theih ahi. Israelte'n Tuipisan a ka'n ding unle Pathien huih thupi tak a nung hi. Egypte'n Sakawl Kangtalai a, Israelte a delh ua, Tuipisan kikal

ah lungkham takin aum ui. Zie laitak chun Pathien huih a hung nung a, Tuipisan a mutkhen a, a lai Lei hul a umsak hi. Chun, Mosi'n tuipi chungah a khut a vak zak a; chun, Lalpa'n suohlam huih hattak zânkhuo'n A nun sak a; chun, tuipi chuh lei hul a suok sak a, chun, tui haw chuh a hung kikhen tau hi. Pawtdawkna 14:21. Elija'n Pathien mai mu dinga a nget laiin "Chun, Lalpa chun, "Va pawt inla, tânga khun Lalpa masangah va dingin," A ti a. Ngaitie, Lalpa A hung a, huihpi nasa takin a tângte chu a hun mût khi a, Lalpa masang achun suongpite chu a phel lem lum a; himahlele huih achun Lalpa chu a um puoi: chun, huih nun zawh chun lei a hung lîng a; himahlele leilîng achun Lalpa A um diek puoi: 1 Lengte 19:11. Pentekost ni a huih nung chu huih dang tawh kibanglo ahi.

bei ziang kimahleh zie haw do zawhna ding hatna chu ei haw ei hun pie tei tei ding ahi.

Pathien in mahni kithahna bangti'n A gen hi? Ahih leh, na sapum u chuh, na sung u a um, Pathien kawm apat na muh uh, Thagau thiengtho In ahi tih helo na hiu hi leh? 1 Korinth 6:19. Isu'n hinna I neih theihna dingin Amah hinna ei uh dingin Ana piei. Mahni Kithahna hin Isu kipiekna bangmah a ngaihlohna ahi. Tichun Pathien in Amah melpu'n mihiem a siem a, Pathien lim bang ngêi in ahi a siem chuh. Amau chuh numei leh pasal in a siem hi. Thilsiebul 1:27. Ka sunga um haw cheng hi nangin na siem ahi a; Ka nu sula ka um lai in nei mêk mat vek a. Na kieng ah kipathu gen ing ka; lauh-um tak leh maktak a siem ka hih ziekin: Na thilhih haw hi maktak ahi; Zie chuh ka hinna hin a hechien ten hi. A gûka siem a ka um a, Lei mun nuoinung pena kilawm taka siem a ka um lai khan, Ka guh le chângte hi nang apat in sel in a um puoi. Ka duong ana kimlo chuh na mit in a mu a, Na lehkhabu achun ka

tibâk chengcheng zik suok kêi ahi a, A ni a ni'n siem in a um zel a, khatchale a um nailoh lai in. Sam 139:13-16. "Sûl a ka hun siem makhan le ka hun he a, na pien ma a namte thiemgau dinga ka hun kawih chuom na hi tai" ti'n. Jeremia 1:5. Thu hawih tak tak a kizik mai mai ahi puoh a, Pathien Thu ahi a, ei uh mimal chiet a, ei Siempa chu Lalpa ahi tih a suchien hi. Mihingte hih Pathien khutsuok I hui a, Ama'n mamawhna nei a ei siem ahi. Pathien in ei siem ahia, Pathien mahmah in I hinnau A suktawp ding ahi. Mahni kithahna hi hinkhuo suktawpna ahi a, bawl ngei loh ahi. I hinkhuou hi Pathien khut a kinga ahi.

Mahni kithah nawpna lungthim chu bang lawh ding? Chun, ngaitiem u; Kei, kumkhuo'n, khawvel beih tiengin le na kawm u ah um zel ing ka," a ti a. Amen. Matthai 28:20. Mahni kithahna hi kinepna tawpna lampi guolin lang mahleh ei chauh Leisiet aum kihilo ahi tih geldawk zing ding ahi. Pathien hih I kawm a um zing, ei panpib dinga kisa zosa a um zing ahi.

lungkhamnan ahim, lauhumnan ahim, sukгимtheihnan ahim, kiel in ahim, sa ngawnnan ahim, lauhumnan ahim, chemzam in ahim ei khen ding? Krista neitu te chuh a khen zo ding umlo ahi. Kuonle ei zuih a nawp chun amah gimtheih khawksalo in a kross pun ei zui hen tih ahi ngal a.

Pienthakna I tih hih amat na ding um chet chet ei ve maw, dah hun inle kipah hun inle. Aleh nang na pienthak na bangtin na mang em leh?

Simtu te cheng Pathien in a deih bang ahih chun a thun ei vangsak chiet tau hen, Amen!

MAHNI-KITHAT 'SUICIDE'



Rev Dr Ellien Gangte

Bible in thihna lauhloh ding thu gen zing mahleh mahni kithah ziengloh ding ahi. Khenkhat a dingin hinkhuo hi a nuomlo diek hileh akilawm sek hi. Hinkhuo ning kitel a, hinna sukmangethai a, thih utna lungthim bang a hung pieng sek hi. Haksatna puokgik lien tak tak I neih phatleh thihmai zawk utchakna aum sek hi. Thihna chauh chu alampi umsu'n a I he't phatleh Isu I guopha Ahih zie geldawz zela, Ama'n bangkim

ah Ei panpih thei ahi tih taksanna neih ngai ahi. Isu'n I hatlohnau A he a, Amah a I kingak uchun, Ama'n ei hukdawz ding ahi. Pathien in hinkhuo man tamtak ei piek I sukmangethai chun muonna eipie lo ding ahi. Mahleh lungkhamna I hinkhuo a hung tunlawh ding ahi. Aziék chuh ahihleh Pathien thilsiem eimah kisuksietna chu Pathien zahlohna ahi. Pathien apat thamuonna hawl leng, lungkhamna cheng

Tichun, zie gi chuh a zak phet un, mipi a hung kikhawm u a; mitin in, sawlchakte thugen chuh amau pau chieta a na zak ziekun a lungzîng ten tau a. Tichun, a bawn u chun a lungkham u a, mak a sa mah mah u a, "En tiem u! zie a paute chengcheng hi Galili gam apat hilo ahiu hi? Nasepte 2:6-7. A bawn u chun maksa'n a ngai buoi mah mah u a, "Ziehaw hi bangti dân ahi?" a kitu a. Nasepte 2:12. Pathien huïh nungin ei mut uh I mamawh dan uh I ngaihtuoh uh angai hi. Pathien huïh in amutte chu Khawvel mite tawh kibang loin, hindan chuom in a hing thei ui. Pathien huïh nasep mak zalin pienthakna I nei ua, mite'n I hindan uh kitheng amuh phat uleh mak asa sek ui.

1. Pathien huïh in a mut mi vantang: Peter khah mi mai mai ahi. Isu tawh a kimuh tunglai un detdo lo a, lungthim dengdelh taka um ahi. Khenkhat'in Peter hih ngaihsam tak, ngaihtuoh detdet loa thu mawz gen gen, a gen masak leh a gen nunung helo ahi ti'n ana gen ui. Mahleh Pentikost ni chun Pathien huïh in Peter a hun mutkhak phatchun

mak asau hi. Chun mipite chun zie thu haw chuh a zak phet un, a lunggil u chuh a kisun a hung bang ta a, Peter leh sawlchak dangte kawm achun, "Suohpihte, bang ka hih ta ding u leh?" a tiu a. Nasepte 2:37. Zie ni chun mihing 3000 vel hukdamna ana chang u a, akipak mah mah ui.

Augustine chu amah deihdan dan a khawsa, amah dinga paucham zing, a nu lungkhamna tuntu ana hii. Mahleh Milan mun a Ambrose tawh a kimuhtuoh un, a lunggil gitlohna apat kisikin, lunghei in Isu Krista kawm atun lawh hi. Pathien huïh in Augustine a hun mut phatin 'Pathien Khawpi' chu a mangmat lawh hi. Martin Luther chu Pathien huïh in amut masang khan mimai mai ahi. Mahleh Pathien huïh in a hun mut khak phatin Khawvel thusim a sulam dang zo hi. Wesley, Spurgeon, Crosby, Billy Graham leh a dang dang, Pathien huïh in amut khak phatun Lalpa Na sem lopi tak tak ahung hui hi. Chanchinpha zieka Khawvel pumpi lawkling zo ahi bawz ui. Hukdam chate'n paucham kawma Pathien I ngak zawh ua, Pathien huïh in ei hun

mut phatleh Lalpa dingin thil lopi tak tak hih thei ding I hui hi. Lalpa kawmah I kituklut u a, Amah na mat theih dinga Pathien huih, Thagau Thiengtho I kimut sak nâk nâk uchun, thil lopi tak tak I bawl dawk dinguh ahi.

2. Pathien huih in a mut Sapchuom: I umna Sapchuom in Khawvela hukdamlohte dingin bang I bawl sek u? Sapchuom in I bawlkhelh lienpen uchuh I bawllui haw bawl bawl mai hih ahi. Pathien in Khawvelah a A ngaihhawk pen thagau mangthai matna dingin bangti ti'n pa'n I lau hi? Pathien huih in amut khak mite chun thagau mangthaite hehpihna a nei tei tei uh ahi. Pathien dingin hun lemchang bang bang I siem un, I bawl sek u? Pathien hatna suongin bang bawl I guou in, thupukna I siem uleh? Sapchuom inle thil lopi bawldawk dingin Pathien ah I kingak uh angai

hi. Israel chate'n Pathien thu a matloh ziekun Kadesh-Barnea ah Pathien Tang kimvel achun kum 40 hiel a vakvai ui. Ziephet chun, I kinunghei u a, Lalpa'n I kawm u a a gen guolin Tuipi San lam ah gamthip ah I lut tau a; Seir tâng chuh ni tamtak I kimvel tau a. "Chun, Lalpa chun ei hopih a, Zie tâng hi na kimvel sawt ten tau a; mâllam zuonin kihei tau in. Dannihna 2:1-3. Pathien mapuihna ngaihsak loin amau ut dan dan leh deih dan dan a um a guot ziekun, gamtiem gam chu a tun ding hun uchun tung zolo ahiu hi. Lalpa'n ei puihna tak ah I zuih u a, I chieh dinguh ahi.

Pathien huih Thagau Thiengtho in ei mut I mamawh zing ui. Kipak taka Pathien ho a, kicham diel diel a umkhawm a, kituok diel diel a chengkhawm a, Lalpa deih banga hinkhuo I mat theihna dingun Pathien huih I kimutsak zing dinguh ahi. Amen!



gimtheih tincheng thuok zo in, Kross lek ah thih tieng A hun thuok a (Good Friday) Johan 19:30 – Chun, Isu'n uain thuk a dawn zawh chun, "Zawh ahi tai," a ti a. Chun a lu a khun a, a thagau a thah ta a. Luke 23:46 – Tichun, Isu chuh ngeihtak in a kiko a, "Hepa, na khut ah ka thagau ka hun vawp sak hi, a ti a. Zie chuh a gen zawhin, a thagau, a thah ta a. Than a vuiha um in nithum ni'n nang leh kei mihiem te leh Pathien kal ah a gingcha taphawt te ding in Chamna leh Hukdamna aumtai tih kihetna'n a hung tho kit a. Zie hukdamna thu hih a dam nalai cheng in I kum zah chiet uh I hun mat uh ei ta a tukum le athawn a I thak liem zel mai uh ahi kha dem? Zie Kristien thawhkitna gingchate dinga kalbi masapen hih bangtin I hawh pan ding u leh? 1 Korinth 15:17 – Chun, Krista kha kaihthawh a aum loh chun, na ginchak u chuh bangmahlo hin tin, gitloh a mangthai zing hin lau. Rom 4:25 – Isu chuh I gitloh ziekun thah in a um a, thiem I channa ding u kaihthawh in aum ta ngal a. Rom 10:9 – na kam in Isu chuh Lalpa ahi tih na huk a,

mithi lak apat Pathien in A kaitho hi tih na lunggila na ginchak chun hukdam in um inla." Tih hi. Rom 8:12-14 – Zieziekchun suohpihte, bat I nei ui; phehlevo dinga um dingin, phehlevo lak achun ahi puoi. Phelehvo dana na um u chun thi tei ding na hui hi; himahlele, sapum thilhihte thagau a na suklup u chun hing un lau. Pathien thagau puih a um ta chuh Pathien chate ahi ngal ua. Zie chun gingtu pienthak mihiem te cheng hih kicham diela uma Amah kawm a kipah thu gen zing leh Amah pahchak hi I sep ding pen u leh Kross a A hung thih lawh pen le eive maw? Hebrai12:14 – Mi cheng cheng tawh kichama umna leh, thienthona delh un, zie thienthona lo chun kuoman Lalpa mu puon ua, tih ahingal a.

Tuni hin Isu Krista thihna leh thawhkitna taksanga Pienthakna diktak neitu te ding chun chamna leh hehpihna neih angai a, chun Amah min a zahchak muolphona tincheng leh thih tienga le zuih ngam tei tei ngai ei ve maw? Rom 8:35 – Krista hehpihna apat chun kuo a ei khen ding; dah umnan ahim,

nei chiet ua, ahin I mat dan uh a kibang vek khel puoi. Thil phachuom, meh atna a mang um intin, a bang in lovatnan, abang in sa satnan, a bang in chuh thil deih umlo hiel mi satna a mang le ki um tei ding ahi. Tawbang mah hin, a leh nang na pienthakna bangtin na mang hileh? Pathien hehpihna phuonzaknan na mang em? Insak, Inthang tawh kicham diela mi hehpihnan - neilo chagahte lungsietnan na mang em? Na chung a thil hihkhiel te Pathien in nang ahun ngaihdam banga ngaihdamnan? Ahihlauh leh piengthak hingal Pathien deihloh jawng khawvel lopina hawlnan na mang em leh? Insak Inthang muhsitnan? I Bible un a gen guola kichampih mawh hiel na him leh? Ahih louh leh a guka thilphalo tincheng hih kawma kiselna ding mai mai in na mang em? I Bible in thil kisel, Pathien mitmuh a kilang lo ding him him aum puoi a tih ahi ngal a. Pathien in vang A mi te chuh melma him him Amah zieka neilo a, mi'n I ngeiphe lang khat ei bet leh lang khat le dawh ngap ding khawpa, Aman ei hehpih guola kihehpih tuoh a kicham diel a mi cheng

cheng hih cheng khawm dinga Kross a ei hung tat vek uh kihi ei ve mawle?

Tunaihcha khan Isu Krista chuh mihiem leh Pathien kala chamna siem din nausen in ahung pieng a [Christman 25 Dec.] Luke 2:11. Tuni hin nang uh dingin David Khawpi ah Hukdampa chuh A pieng tai, Lal Krista chuh. *Isai 9:6 – Ei u din naupang a hung pieng a, chapa piekin I um tau a, vaihawmna chuh piekin um intin; Amah chu “Mak, Lemguottu, Pathien Hat, Kumsawt Pa, Chamna Leng” tih hi ding ahi ngal a.* Tichun khawvel hun mang in nikhat maimai Jerusalem a lopi taka chawihmawi a um in (Palm Sunday) *Luke 19:38 – Lalpa mina leng hung chuh a navak hi, Van ah chamna thu leng hen la, chungnungpen a Pathien kawm achun lopina um hen, a tiu a. Tichun Jeruslaem mipi te chuh lawp tak in a kiko ua.*

A leh nang leh ken zie ni lopi tak hih bangtin I mang em leh? Azawh ni tamlo cha nung chun nang leh kei leh Pathien kala chamna aumtheih na ding leh I gitlauh uh thawih na dingin

PENTICOST KUT CHANCHIN

(Bible Changte: Thiempudane 23:3ff)

Chun, Penticost Ni a hungtung in, gingtu te cheng chuh, lungthim munkhat in a bawn un munkhat ah a um khawm vek ua.

Atangpin Judate hin Kutpi pawimawh tak tak sagih (7) a nei ua, zie chenglak achun a Penticost i tih hile Kut pawimawhtak khat ahi (Thiempudante 23:3 ff). Ziete haw hin umzie nei chiet a hui. Zieziekchun, a nuoi a kut chi sagih(7) hih vak en khawm hi tiu:

1. Chiehkan Kut

Chiehkan Kut hin Isu Krista, I ding ua, a kipiékna a etsak hi (Thiempudante 23:4-4; 1 Korinth 5:7). Nisan or Abib, April tha hi a kumthak hun uh ahi sek hi. Zie nitak chuh Chiehkan Kut Ni chuh ahi. I ding ua Isu Krista, kross chung a, a kipiékna etsakna ahi.

2. Changthak Chawl Sawhlouh Kut

Changthak Chawl Sawhlouh Kut hin Thiengtho taka umna a etsak hi (Thiempudante 23:6-8, 1 Korinth 5:6-8, 2 Korinth 7:1, Galati 5:7-9). Chawl tih hi suol

etsakna ahi. Sinsakna diklote umdan, mawilote cheng hih, Krista Kross zala thiengthou taka um ding etsakna hi.

3. Gah Masa Kut

Gah Masa Kut hin thawhkitna a etsak hi (Thiempudante 23:10-14, 1 Korinth 15:23, 1 Thess. 4:13-18). Isu Krista chuh, Thoh Mapuipa ahin, chuleh hungkit ding a hih dan ei muh sak hi.

4. Penticost Kut

Penticost Kut hin sapchuom din dinga Thagau Thiengtho a hung tunna ding a etsak hi (Thiempudante 23:15-22) Sawlhak te nasep 2: 1-4) sawmnga na tihna ahi. Chiehkan Kut kha Nisan, April ni 24 apat ahi a, Changthak Chawl Sawhloh Kut chuh Nisan ni 15 a mat ahi. Gah Masa Kut chuh Nisan (April ni 16 a mat ahi kit a, Chawhni (Sabbath zawh a ni masapen, ni sagih(7) ni masapen chuh Lalpa Isu Krista Ni chun Thiempu chun buhphal chuh Ho-In ah a hun lhat ni apat chuh sim a Chawlhni 7 x 7 atin ni chuh ni sawmnga (50) ahih ding ahi.

Chawlhni Sabbath jawh a ni masapen chuh Pathienni, Isu Krista thawhkitna Ni chet ahi. Tua ei un Kiginni I tih hi Judate Sabbath ahi. Hapta sagihna chieh chuh ni 49 chuh Judate Sabbath ahi a, a ni sawmngana chuh Judate ni sim dan a hapta kipatna dinga ni masapen chuh tua Pathienni I tih uh, I Lalpa Isu Krista guolzoa a thawhkitna chet hi ahi kit hi. Judate'n zie ni chuh Penticost Kut in ana mang sek ui. Zie chuh Thagau Thienghou hungtun ding etsakna chuh ahi. Penticost Kut in a etsak bangtak in Thagau Thienghou chuh a hung tung tai (Nasepte 2:1-4)

5. Pengkun Kut

Zie Pengkun Kut hin Israel chate a gam ua sap khawm kitna ding a etsak hi. Penticost Kut leh Pengkun Kut kikal ahin, buh lak hun aum a, zieziekchun, hun sau tak tha li (4) hun aum hi. Zie hin Thagau Thiengho nasepna zala sapchuomte mang a, ningtin a a mithiengho te lakkhawm hun, lungsietna hun a etsak hi. Atawpna achun Sapchuomte hi, Van a laktouh a um ding I hui. Israel chate chuh a gam ua sapkhawm aum ding ahi (Isai 18:2; 27:13, Joel 2:1, Thiempudante 23:23-25)

6. Tatnani Kut (Thiempudante 23:26-32)

Zie hin Israel chat gitlouh kisik hun ding uh a etsak hi. Kum sang huna Israel chate dam a ana umna laitena a Mesiah uh ahieh he a, a kawma akithoih ding uh etsakna le ahi (Dannihna 31: 1-10, Zaka. 12:10-13, Rome 11:25-27)

7. Bwkcha Kut (Thiempudante 23:34-44)

Ziehi sapchuom ten Lalpa Isu Krista hetzing na a Sacrament I bawl sek bang ua, Dan a thil hung tung dingte thil lawkna ahi. Aigupta gama pawt a suohchaknau hetzingna ahi (Chang 43). Zie khel achun a gam ua puihkhawma a um ua, Israel chate chawldam taka aum ding uh etsakna le ahi. Israel chate chauh le hilo in mi cheng cheng le a tel thei hi. (Zak. 14:16-21)

Zietak a Penticost Ni a mitam tak ten Pathien vangsakna a chan theihnau hi sinsakte leh gingtu mi 120 te chuh Jerusalem pindan chung nung achun, lungthim mun khat pun a um khawm ui. Zie a kipunkhawte chuh, Lalpa a lungthim pumkhat a a um ziekun, Pathien kipah lam tak ahi. A vangsak nawp lam tak le ahi

(spiritual maturity), Ginna a hat (a man of faith) chuleh Thagau a dim hinkhuo (living a spirit filled life) nei hiding ahi, a kitii.

1. Thagau a pititna (spiritual maturity): Thuneihna ki-uonpih lo, chapona leh itthikna'n a mit a sukduk loh, a kikawih thienthona apat muhtheih. (Sim ding: I Tim. 3:1-9; Tit. 1:5-9; I Pet. 5:1-9).

a. Nungchang detdo (stability of character): Muonum, kingakna tak e.g. a hoppha pha laichang hilo...?

b. Ginumna (integrity): A thu gen zui, a kitiemna suguitung, a sepna/duty sem buting khel khel mi, sumlepai a ginum, kivamlak lo, Thagau thutak hechien (the spirit of truth).

c. Vaihawm thiemna (discernment): Hehpihna a khangto zel (Phil.1:9). Pathien deihsang hetna Thagau chitna nei or dim (Kol.1:4).

“Na lampi ei hetsak in” ti'n Mose a paucham hi. Pdn. 33:13; “Alampite Mose a hetsak hi” Sam 103:7.



PIENGTHAK NA HIHNA BANGTIN NA MANG EM NANG? PIENNA LEH, THIHNA LEH, THAWHKITNA HIH BANG DINGA UM EI DIE?



Kakai Bijang Gangte Veng.

Amasan, CHAMNA AW ana simtute cheng A thisan a ei hung tantu Isu Krista min in na bawn un chibai.

Awle, PIENGTHAK NA HIHNA BANGTIN NA MANG EM? Tih hin chawmchah vak holim leu

hin ka nuom a, vak ngaihtuoh zieng in chuh dawtna mak tak le a bang a, ahin la tulai Kristien piengthak te hinkhuo mat dan et in chuh dawtna mak taluo hikhello maithei ahi.

Tehkhinnan; Insuon in chem I

“Mipite (Sapchuom) chun bangtienga amau ngaihsak a enkawl na him (how much you love) tih a het masang un, na het tamna (how much you know) khah bangma’n angai puou hi” –John C. Maxwell.

(a) Puitu luchang/lungthim nei chun (leaders’ head) mipite a hethiem a, a lunggel uleh a ngaihtuohnau a hethiem ui (understand) (midang ngawh ngawh lo).

(b) Puitu lunggil (leaders’ heart) neite chun, mipi a hehpih hi.

(c) Puitu khut (leaders’ hand) neite chun, mi a panpih sek hi (help people).

5. Suok hihna (servanthood): Hun hungtung ding hi “kichien taka ahihtheihna ding a kilat masanga thil hithei ahi tih mutheite ahi (future belongs to those who see possibilites before they become obvious) – John McCully.

a) Muhlawkna hi sunglama kipan ahi.

b) Muhlawkna nang hinkhuo ah akinga a, masanglama thiltungte matchaka pang thei ahi.

c) Muhlawkna chun midangte mamawh a piei.

d) Muhlawkna chun matchak ding haw ahun lakkhawm sak hi.

6. THU LATHEI (Teachability): Pui zawm zel inla, zil zawm zel in (to keep leading, keep learning).

a) Na tunna dinga daltu cheng chuh sudam in (destination disease).

b) Na lawhtitna chuh guolzawh sak in (overcome success).

c) Baihlam hawl ki’n (swear off shortcuts).

d) Khatvei na sukkhelh chuh nihveina ding bawl ki’n.

Puitu titna leh takna (Qualifications).

Mi khenkhat in Puitu (leader) hih pienpih ahi a, siemdawk ahi puoi, ti’n ana gen ui. (Ei uh muhdan bang ahi dem?) Himahleh, mi khenkhat chun, Puitu tamtak hi pienphunga um hilo in, siemdawk (leaders are made) ahi tih ngaihdan a nei ui. Zie thu ahin, Kristien puitu hihna dinga pawimawh chuh bangti a teh ding (measure) ahi die? Amasa’n Kristien leader diktakte titna leh takna (qualification) en hitiu. Amah chuh Thagau a piting

(Matt. 18:19) A kithutuok nau chuh Lalpa Isu Krista; Chapa zala Pathien lopina ding ngei a a hih ding ahi. (John 14:13 -14)

Tuni hin ei uh gingu te leh Lalpa Isu Krista zala, Thagau a pumkhat te haw hinle, lungthim kibang leh, diehdan kibanga Pathien lopina dinga pan la a, na I sep u chun, Pathien kipah lam

leh A vangsak nawp lam hi ding I hiu.

Pathien Thagau Thiengtho in Jerusalem a mithiengtho 120, khawvel pumpi a dinga a mat theih chun, tuni hun a nang leh kei le Pathien in lopitak in ei mang thei zing ahi tih he ngilh puoi tiu.

Lalpa’n simtute cheng ei vangsak chiet ta hen.

INKUON LEH SAPCHUOM

- SM/Clk Paukhogin Gangte 15 AR, c/o 99 APO

Mihiemte hin lawihna bik in leh inkuon nei lo vin kivak zak viel lak lak maile chuh, buoi um ten mai in na. Nitak lam in mah ni, in lamchieta fel tak in ilawi kit dim diem sek uh a. Zie hi khawvela mihiemte chieh dan ding Pathien in ei na lemguot sak dan chuh ahi. In chuh mihiemte lemguot na a khuta sak leh tundin ahi a, inkuon ahih leh vang lungthim ngaihtuoh na apat sak leh tundin ahi. Kristian Insung dik tak vang chuh ginna a, Pathien in atundin ahi zawi. In hawih leh lopi cheng sunga hin inkuon hawih dingdawk ei diek puoi, in sieh cheng leh ahi diek puoi. Insung pha chuh buildinga aki ngak puoi, asunga chengte

ngaihtuohna leh lungthim pha adin ahi zaw sek hi.

1. Tulai hin khuopi lien taktak sunga hin, inkuon sunga khuosa lo a Hotel leh Resturanta khuosa a hinkhuo mang mai mai ti haw hile hun tieng tak um ding in gingchak ahi. Mihiemte umchin hetlo dan hi khuopi muon chuom chuom ahinle inkuon bulbal nei sam lo a Hotela gieka khuosa viel mai mai hile mi bangzat vel ahim uma het ahi tai. Amau haw hi gamsung subuoitu leh vantangin mi suol/giloha angaihteu leh insung khuosana mumal nei lo leh keksieh apata hung seiliente ahi nuom khawp mai ui. Sapgam Sapchuom

puksietna ti a agen pen uhi le, Insung naran leh hoih atawm ziek hi aheth ahi. Sapte chieh dan khat chuh zi anei neih ule, ki indan thei ngal dinga ngaih a hui hi. Numei leh Pasal aki chen chen ule Hotela pindan khat luoh ahim, mi in louh a ki chawn viel viel zieng tih haw hi achieh dan tangpiu khat ahi. Cha khat chau neih ut tih tak lou in, cha mawng mawng nei ut lo nupan in pun lam amah nawh deuh deuh zel ui. Zie te haw hi inkuon din peih lou leh inkuon alunna ngaihsak lo te a hi deuh pen ui. Inkuon pha umlo na chun Sapchuom pha a um thei puoi tih ahi a. Inkuon hi Sapchuom masa pen a hi, Sapchuom neu cha ahi. Nu gilpi apat in insung member ahung pieng a. Nu in paucham kawma naupang achawm lien chuh paucham khalo, zu zuoknu nau hin sang chun insung pha din na ding in deih aum zawi. Meikhu chep mi sang in, achep lonu nauvawp adam thei zawi.

2. Nute hi inkuon sunga naseptu pawimawh pen ahiu a. Pathien in nute hi ahihnau pawimawh mah mah apie chiet uh a, zie chuh lungsietna hi ahi. Chate lungsiet vek ding in Pathien in nute ana siem a. Cha lungsiet na nei lo, nau vawp tih haw hi, Setan nasep khawh mah mah

mai khat chuh ahi. Khawvel a mi minthang leh mi lopi tak, Napoleon, chun Nu apawimawh zie aheth dawk phet in. “Nu 10 ei pie tiem uh, khawvel hi ka suk danglam ding ahi” ati hiel hi. Nu pha khat mai inle khawvel hi nasa tak in ahi danglam thei hi. D.L Moody nute, Augustine nute, John Wesley nute haw hin achateu mang in nasatak in khawvel asudanglam nasa mah mah mai ui. John Wesley manga halna a tun lai khan, athugen in mite lungthim nasatak in akhawi mah mah a, agam sunga suongkul chengle ahawm vek hi ti hiel ui. Police te na tiengin le mi gilo man ding amu zou puo atiu hi.

3. Nausen chuh anu sinsakna anga pat khanglien ding in, anu malpi chung apat in hinkhuo a hun pa'n a. Apiek cheng ne ding in akam aka a, agen cheng mang ding in a lungthim a hawng zing hi. Inkuon apat hin a lungthim put dan ding leh a hin dan ding ahung langdawk pai zieng hi. Tu ah, I nungchang put dan u hile, nute malpichunga I umlai a I zil uh kha ahi zing hi, ti'n lungthim zil mi thiem te chun agen ui. Tulai a mihiemte gitlouw dan haw hi, I holim nuop nau leh I gen nuop tampawl uh hi ding in gingcha a um hi. Mi dang suol

(c) Kihetchetna (conviction): Pathien in sep ding a piek hechien a kipumpiek (degree of one's dedication).

(d) Ginumna (loyalty): Pathien ah, chungah hotute ana I sepsakte (to God, to superiors).

(e) Dozawhna (stability): Mawhpukna dinga thil khat lakna haw, sep butit ahih ma chengahaksa lele muonum taka sep zelna (accept responsibilities and remain true).

(f) Midang ngaihhawkna (interest in others): Amah a sanga midang ngaihsak masakna (putting the welfare of others ahead of one's own).

(g) Ngahkhawkna (discernment): Thudik um cheng lakhawm a, diktaka sepdawkna (gathering all the facts acting upon them in a conscientious manner).

(h) Sukthathawhna (motivation): Lunglut sakna, kithalawpna (enthusiasm).

(i) Lemhetna (tact): Midangte lunggel ngaihhawkna diktak etsak or muhsak.

(Taken from building effective leadership- Bu Peter Wiwcharouk)

“A sepna leh dimuna lunglut taka

semlo chuh kuomah mi lawhting aum puoi” David Sarnoff. Thil khat thatho taka sepna chuh lawhtitna kalbi khatna ahi. Zie chun hatna a supung a (increase power), nang hindan le a theng thei ahi (changes you). Thil hitheilo chuh ahihtheih sak hi (passion makes the impossible possible).

Aphalam lunggel/umdan: Positive attitude. Hihthei dinga na kiginchak chun, na hihthei hi.

“Mi lawhting kiti chuh mi'n suonga (stone) a sehna chuh pansakna dingin a guoltuok thei hi” –David Brinkley, ATV Journalist.

“Thil cheng chengahaphalama kinepna nei.” Thomas Edison chuh kum sangkhat sunga akhatna (who saw the best in everything). LIFE Magazine chun a kawih hi.

4. Mi tawh kal ah (Relationship): “Mi na kipawlpah chun, amau inle hun kipawlpah in ua. Lawhtitna dinga thil tamtak mamawh laka khat chauh gending hileh **mi tawh kipawl dan het, ahim pankhawm hi ahi**” (how to get along) ti'n Theodore Roosevelt in ana gen hi.

action- dynamic leadership)

c) A sep guotte mipite manga sem buting (objective accomplished through people?

d) Lampi thum (3 ways).

i. Mipi lam zuon a ding (to people) –Pdn. 18:14

ii. Mipi a ding (for people)

iii. Mipi namat in (through people) –Pdn. 18:21-22

Puitu pha chun miite hawh malam (mang) in a sep ding a sem zo sek hi (through people).

2. Puitu hihna, ngaihdan (ideas) mipi (people) thil haw (things) hun (time) leh ginchakna (faith) haw cheng hi thil guonlawksa supiting dinga matkhawm thiemna chuh ahi (combining ideas, etc).

a) Atangpi’n mipi (sapchuom chuh a puitu’n a puihna tieng or a phalna tieng chauh ah a chieh sek ui.

b) Puitu chau/hatlo chun a mite chuh amah chieh theihna tieng leh a chieh nawpna tieng chauh ah a pui sek hi.

c) Puitu pha chun a mite chuh, a theihna tawp uh a tung u a, amau a hihna khel lam tieng nasan a chieh sak hi tih a hechien hi

(maximum potential).

d) Puitu leh a panla um lohna achun bangmah a tawi ahim sepdawk aum puoi (nothing moves or happens).

e) Puitu thiem leh a vantang tih hi mikipunkhawmna cheng ah a kikhiakna (distance) a um zing hi. Puitu pha chun na a semdawk hi (a good leaders demands performance).

3. Kristien Puitu titna haw (Qualification):

Mihing khat chun pienpih a felna (qualities) ahim aumsa hung pieng dawk zieng le a um a, (develop normally) chuleh zildawk thawh, thil tuok (experience) ahim taima taka sepna (deligent application) haw apat Pathien in a deihsak dinmun a chang (attain) thei hi. (Can attain through training, experience or deligent application).

Zie dinmun/qualification haw chuh:-

(a) Din detna (integrity): Adik he a dinpih, dodalna haw lak ale! (knowing and defending in the force of opposition)

(b) Thutakna (honesty): A nasep Pathien leh mihing anga gensiet phaklough (above reproach).

na haw hi I he thei mah mah lai un, ei mah suol na het ahaksa I sau hi. Ka gitlough zie mai hi, ti ahim, ahilo le, tulai ka insung uh gitlough zie,tih haw hi kuo mah gen nuom lam ei puoi. Aziek chuh Pathien thu tiem guitun na ding ahi ziek ahi.

4. Krista a suohpihte leh lawiupa tam tak in pawlam nasep na sang in insung lam nasepna hi haksa I sa chiet ui. Bang ziek ahi die ? Setan in inkuon sung pawimawh dan hi ahe a, zieziek chun nasa tak in adodal sek hi. I insunga paucham na mang thei lo inle pawlama chun I va paucham thei zel ui. Ho-in leh lenkhawmna muna thu lawptak I gen thei lai in, I inkuonte laka lawptaka thu gen a haksa I sa chiet ui. Ale Krista I pitit nailo ziek ah idem ?, ahi lole pawimawh sakna ei a umlo ziek a hi dem, ngaihtuoh um taka hi. Tamtak in I nu leh pa thugen sang in, veng langkhat lama nu leh pa thu awi zaw tih hi le a um zel hi. Khuti guol deuh in ei mah Sapchuom Upate thu gen sang inle veng dang Sapchuom Upate thu gen ngaisang zaw tih hile thil um thei zel ahi. Insunga ki sinsakna hi I taksap tieng le, Setan in I siet na diu hawl in hun lemchang ngak zing hi. Pastor khat in le Insung nasepna

hi avei takluot ziek ahi dem, “Ei mah insunglam ngaihtuoh samlo ah, midang vei zawhte khu , kawtkhak a lutlo a banga kal dawkte ahiu hi” ati hiel hi. Numei khawmpi na khat a, nute lapawl sak chuh ahoih in lopi asa na chuh ah, a zil hunsawt ding dan leh in anutsieh mundan ding teu angaihtuoh in khawk asa puoh na achuh. Insung lam nasepna pawimawh pen nusieha , pawimawh taluo samlo pawlam nasepna a kimat nasat taluot hile apha lam ei sam puoi ati. Insung maicham ngaihsaklo hi gitlough na chau ei puo a, ei mah chate ngei zahhuoi taka suklupna ahi atiu ui. HC Hudson chun tuolthattu za khat lak a 80 hi a insung ki etkawlna hoihlo na apata tuolthah nawpna lungthim pu ahiu ati. Insung hi Sapchuom sang in a upa zaw a,Sapchuom tawh ki banga ngaih ding ahi. I chateu hi Sapchuom in nasa tak in sinsak leh tih aki deih chiet a. Insung apat a bil a thuolo chuh siemphat ahaksa khawp mai tai.

5. Insung hi Nu leh pa te ding in Missionary Field masa pen leh apawimawhpen ahi. Gamla tak a gamthim vei mah mah zieng, ahi a chuh naitak a um I chateu leh insung mite ngaihpawi mawh lo hiel tih bang chuh I bawlguo tei tei nau achuh

hoihsam lo ei ve. Mi chate Van gam kaihna dinga theitawp a panga ei mah chate gawtmun achieh diu khawksana neilo tih bang chuh ahilo ta lo ahi. John Grun chun, International Year of the Child, ti a, article azikna achun, “ Ka chate hi gucha ding leh Nawhchizuok ding in a utlo pum pum a ka na sawl liam zawk sek ahi”. tin amahle amah nasatak in thiemmawh kichan thu azik hi atiu a. I ngaihtuohle, Pathien in Nu leh pate mawhpuokna apieki alien dan leh athupi dan hi Pathien tel lo in, mihiemte china mai a zawh ding guol leh het dawking guol ahilo dan hi athak in ngaihtuoh hi tiu. Zieziek chun, I insung leh cha leh naute bangkim Lalpa Pathien kengbula I piethak zing diu ahi tih I hemil puoi tiu. Nu te hi insung a dinga pawimawh pen ahi au, amau sinsakna diklo ziek in chate hi a utlo pumpuma gawtmun lam zuon thei leh thi na natieng tunsak tu ahiu tih I lungthim ua vawpzinga nichenga chate hi I etkawl diu angai hi. Tangval mel hoihtak leh hat tak ahung tanglak lai tak a Court in khailup dinga mawh achansak pau chanchin kha vak ngaihtuoh tie !. Thutan tupa khan, tangval pa kawm achun na hun nung pen ahi ta a, Na thih

ma’n kuo na mu nuon pen hi gen in ati a, Amah chun, Ka nu ka mu nuom pen hi ati a. Khutichun, asapsak u ah, anu chun achapa khailup aguotpau bieng chawp guoa a va nai le. A mah chun anu chuh asawn dawking,”he nu ei chawpkin , tuni hin vaihawmtu te zieka khailup a um ding ka hi puo a, nangmah ka nu ngei hi ei khailumtu chuh na hi zawi, Ka neulai in ka thil gukte kipak tak in neina lawp sek a, gukchak gitlouh ahi tin nei na khap puo a, atawp a khailupna dawhkana ei dinsaktu chuh nang mah hi na hi zawi ! “ avak tih mai chuh, anu ding in ahaksa na mai zen ding e maw ! Himahlele, bangkim avai gei ta luota a, bangmah lawhthei na zie la um ta lo. A khawk ngei e, ti a kah lo ngal chuh anu’n hi thei dang bangmah a nei ta puoi. Bible in, Naupang chuh a chiehna ding tak lampi chuh sinsak leh chin, ahung upat tieng lele thahtham lo ding ahi, atih guol in lampi dik kawhmuh thei nu hi ding in paucham zing hi tiu.

6. Kristian insung ngaih pawimawh ding tih hi Sapchuom numeite puokkawm mai mai ei puoi. Bible apat a hung pawt dawking ahi zawi. Min a ngaih nep a angaihou mai mai chun Pathien thu ngainep ahi zawi.

a vang ten hi. Isu Krista zieka pasal pha I sak mah mah teu hinle; hehnepna, tilkhouna leh lawilepai panpihna a mamawh tak zet ui. Neupen kisa mah leng le a panpihtu hi zing thei I hui tih ki he chien hi tiu.

Communist suongkul a hung suokcha haw hi, gen se se lo in a chagah thei mah mah ui. Mat ahih tieng u leh; In, neih-leh-lam cheng laksak ahiu. Tamtak vang lungthim leh taksa a nasemthei

ta lo ngen ahi tau. Ginna ziek in a chateu thiem zil phalsak aumpuou hi. Zie haw ziek hin I panpihnau a mamawh tak zet ui. St. Ambrose in, “*Kuo hita leh, mi chagah panpih thei a panpih lo chu mi gucha ahin, chuleh chagahpa chu gilkiel a a thih vang chun tuol that tu le ahi.*” tin a gen hiel hi. Sohpihte pilvng hi tiu. Khutulo chun, Ambrose in a gen “Gucha leh tuolthat” haw hi hikhai tiu.

Simtute Lalpa’n vangsak ta hen.

PUITU CHUH BANG AHI?

(What is Leadership)

By: Rev. L. Sata

Puitu tih hi hilhchetna dang dang aum thei a, ahinla, achangeleh genchet hi a thumal (term) a haksat guol hin a hetchet a haksaz el hi. Ami achuom dungzui in a umzie le achuom thei hi.

1. Puitu hihna chuh- a thil guonggalh mipite sep dawking sak chuh ahi (getting things done through people)

a) Puitu chuh limzik thiem (art) tawbang ahi. Lunggel

leh hisapna leh themthiem amamawh hi. (imagination and skill). Siemthak zela khangto thei ding (improved and developed). Zil beh a buting thei ahi (learned and perfected).

b) Nasep zawhna dinga a lampi (means) midang thatdah lai leh bangmah ahih nawploh lai uh ale sep zawh sak thei, (got get things done). Aphalama sep dawking a umna achun, Puitu thil hih thei tak um ahi tih ahi. (Positive

dawk in, zie thu hi a hun gen dawk hi. *“A hun sugimthei te masanga ah lungnat mel pu hile kilawm. Isu ngei inle, musita chil siet khum na te, a lungnatpih puoh ngal a. Mopan, monu a lungsiet guol in na melma te en inla, lungsiet in.”* Ivan Horev hi kal sang suonte lak ah ana tel hi.

Hun chawmcha zawh in, a chapa Benjamin Horev le zie pindan neu chah sung ahi khum in ana um hi. A pa'n bang a thu ana zik haw a mu dawk hi. Melmate lungsietna ding thu ngen ahi. A k zik haw chuh, Kristien cheng in Kross puok ding I nei chet ui. Khen khat in lung awi tak in a sugim thei te lungsiet zing pum in a puo thei ui. Mahleh marter chengle zie tawbang mi hi ahi vek puou hi. Thagau dinmun chuom chuom ahih ziek in. Ginna a piting nailo ten. Isu kawm a kiko in, *“Aw Lalpa, mithiengtho leh diktak bangchana, lei chung a mite chenga vaihawm a kei uh ei that te chenga phulalo a na um ding.”* (Thuphuon 6:10) a ti sek ui. Pathien in a ginnau a mansak ding uh phasalo in, thihna a pumpelh sakpuoi. Amau inle

marter te lallukhuk chu sang ding ahiu hi.

Kum zabi 14 lai in, Siena a um St. Catherine chun suongkul sung ka va veh sek a, tuolthat thiding kuon a mawhchan sak chu, a thihman, hukdamna huawng a a pui lut man hi. Tuolthatpa hin, amah hi a thih ding ni a na tel ding in a chiel hih, zingkal vaima tak in a thahna ding mun achun a va chieh in ngawng dawhna ding mun a chun a khut ngan, pauchamna a vanei hi. Paucham saktu leh paucham sakpa a dinga pauchamna lul dan zie hun tih loh mun dang a aum ding ginchak aum puoi. Tuolthat pa chu, a muk a, *“Isu Catherine”* timan ham a a gawl tuk tansak ahi tai. Isu Krista in a thisan a a chawksa kichenna mun ding chu a zuon ngal hi.

Suk gimtheihna tuok, thih tienga pang ngam lote a dinga hih, I paucham ding uh ahi. ei haw guol mah a mihing a hinna, kal sang zaw suon zing thei a hihloh ziek un, kuomah dakkal 24 sung keng khawtal ahim keng muk ahim chauh a a din theih loh guol in, dakkal 24 sung thiengtho taka hinkhuo mang hi

Sapchuom nasmtu pha I hi ut chun, ei mah insung khawsak I sukfel masak diu angai hi. Ei mah insung khuosak ngaihtuoh/ sufel masak lo chun bangtin a Sapchuom a etkawl thei ding. Sapchuom hi Pathien chenna inkuon ahi a, pilna puondawkna mun paw mawh tak ahi bawh hi. Sapchuom chuh gitlough in asuk siet thei lo na ding in, hukdamna bangsunga um ahi, atak sap lona ding in Lalpa Isu taksa chuh nek ding in ataksan um a, athisen chu dawn ding in min a gingcha zing hi. Sapchuom sung achun Lalpa Isu chuh alut in apawt sek , neitu changchang in nek ding pie ding in avak vel vel sek hi. Zieziek chun Sapchuom pawlam ahin hukdamna aum puoi, John Calvin, in *“ Min Sapchuom hi nu a anei lo chun, Pathien chuh Pa'n a nei thei puoi,”* ati hiel hi. Sapchuom chuh Krista mo thiengtho ahi ngal a. Augustine inle, *“Sapchuom pawlam a chun belam aum thei a, Sapchuom sung ale chinih aum thei hi, Amahvang gingtu te hih ding chuh Sapchuom ngaihnat leh hi thiengtho ding ahi ati”*.

7. Johan bung 10 sung akhan thupawi mawh tak tak thum muh ding a um a, zie chuh,(i) Balempu (ii) Belamte (iii)

Belam huong. Belampu pha chuh Lal Isu leh Pathien in aguot Belampu te hi ahiu. Belamte chuh gingtute hi I hui a. Belam huongsung chuh Sapchuomte hi ahi. Zie thumte hi lungthim munkhat pu a chiekhawm khel khel diu angai hi. Lalpa Isu'n kei belam chingpha ka hi, ka belam te ding in ka hinna ka pie sek hi ati a. Kithalak belam chingpa kei puoi atin a hilh chien hi. Zieziek chun, belam mang leh manglo hetna chuh ahuong pawlama sim hilo in ahuongsung apat in ahet thei hi. I bielsung leh Sapchuom sung ahinle belampu leh belamte hi ahetkhen thei na tieng hin chuh azie aum deuh a, ahin alawilut na mun dingle he chien talo belamte hi chuh buoi um tentak ahi ta hi. Sapchuom hile, mihuntieng tak in taksa lam kipawl khawmna, Association leh group Organisation guol a ngai mai mai hile um hile akilawm hiel tai. Ziete haw, vang vang chuh Sapchuom sunga lut lo a pawlam a khuosa Pathien lauh na changhelo te ahi diu sek ui. Amau haw chuh chapuo tak in thu agen ua, ziete hi huongsung pawlam um

te ahi nuom dueh sek ui. Zie tawbang mi te chun muh theih lo Sapchuom chuh chawisang in, muh thei Sapchuom chuh bangmah salo in angai nep zaw sek ui. Sapchuom hi khat ahi a, himahle bak chuom chuom a lang in a kizawp man vek ahi dan ahe dawk puo a ahi. Taksa deihna tel lova, thagau lam chauh deih tawbang guol a hui. Taksa tel lovin achuom in thagau aum thei diek puo ngal a. Sapchuom hi leia um hile le, van apat a etkawl leh ven ahi zing hi, Krista taksa ahi. Sapchuom hi mi thiengthoute ki pawl khawm na ahi naban a, mi gilote cheng cheng chunkhawmtu le ahi zel hi.

8. Sapchuom hih khenkhat in telna tak lo guol a bouk in

angai ua, amau la thiengthou kisa mah mah ngal. Zie guola telna taklo guola Sapchuom hi buoka I muh khak ahi chun, avel in ki ngaihtuoh thak hi tiu, dan le Pathien pawl khawi I na hi khakding alauh um tak zet hi. Atawpna pen ah, Insung hi ngaih pawimawh chiet hi ti'n un, Lalpa tel lo a khuosa thei lo I hih tih ki hen, Insung maicham hih hin sak zing hi tiu. Zie lo chun Sapchuom hih ngai lopi pen zing hi tiu, Pathien chen na inkuon leh Pathien khuopi ahi ngal a. Lei a lalte'n do mah leule, agam chuh lien zel ding ahi. Lalpa chuh pahchak in um hen, simtu te cheng Lalpa'n vangsak ta hen, Amen.

puoi. Hinlah a mah nu/pa chun kihet intin, a nungtawlh ahim, a pienthak nailo mawng mawng a him tih chu ei het hi loin a man kihet ding a hi.

Thuchaihna:

Mi tampi'n gendan chuom a nei ui, hinlah I Bible in ei sinsak chuh zie va nungchawn zuol hi chu a dem hiel puon, hinlah advantage

la a, zie gitlohna va hihhaw vang chuh Kristien lêm hiding ahi. Mi a mah nungchawn ahih tih kiheta, thawhkit guolo chule Kristien diktak hilo ding ahi. Lalpa'n zie na sim na pan nanglam ki-et thak theihna dingin lampi thak leh hawihzaw hun guotsak ta hen, tih hi a ziktu pauchamna ahi.

KAKIPAK HI

ISU ZIEKA THIH NGAM

Evan. (Retd) Lamzagin

Ivan Horev chu Isu Krista ziek in suongkul ah a hinna ana chan hi. A chapa Nikolai le kum 20 sung Isu Krista ginna zieka khum in a um hi.

Sepaih hotu, suongkul a a lut cheng u leh micheng chun a zahnu etsyaknan a din sek ding ua thupiek ahiu. Ivan chu a din vaigei deuh ziekin gawtna piek ahi. Ni 100 sung amah ngawna munthipa khum ding, an ni nih sunga khat vei chauh piek ding

ahi. Zieguol a gawt zawh a hih in, gawtna chi dang 'Afrikanka' a tih ua gawt kit ahi. Zie hun hin pindan neuchah, dintheihna phet a dinna mun a thik zum tam tak kiphut umna a gawt ahi. A keng pek na taluo ding vennan, a keng zung te leh a khuotal zum in thik zum kal haw achun a ding sek hi. Khuo helo in a puk tha tawpmai hi.

Khuo ahun hetphat chun mun hawihpen a um ahih a hun kihe

ahi, mi nungchawn te agen na ahi). Hebrai 7:25 ‘Zieziekchun, amah zieka Pathien kawma hungte chuh a tawp chanin a hukdam thei a, a mau haw sik gensak dinga kumkhua a a hin zing ziekin’. Luke 15:17-18, ‘A tâwp chun, a hung kihe dawk a, ‘Ka pa kawma suok thalakte laka nek sen loh an nei a tam siet u tawh, kei hila, taka hin gilkiel in thi ding ka hita a!’ Tho ing ka ting, ka pa kawmah chieh ing ka ting, a kawmah, ‘Hepa, van a mi chung leh, nangmah mitmuh in thil ka hihkhiel ie!. Hosea 14:1, ‘Aw Israel, Lalpa na Pathien uh lam ah hung vaikit un! Na manlohnau ziekin na kisui a, na puk ta ngâl a’.

Kristien nungtawlh hetttheihna khenkhat ana enkhawm hitiu.

Hebrai 2:1, Zieziekchun, nakhanga I zak hawu kha phachuomngai taka I khawksak zawksem dinguh ahi, khutilochun kithawlmang khai tiu. Zie châng gen dan hin, Krista a khatvei a ginna ana ngata, gun tak leh kuhkal taka na chinloh chun mansak thei nahi. (kithawlmang hin mang paipai ding agen na

ahi puoi, kipahman muhloh khak ding a gen na ahi). Hun chawmkhat adinga ki gamla theih na hi. (Lalpa vangsakna lopi chu na chânthei nahi tih na ahi) I vak simsuk leh, zie hukdamna hi I kisan loh ua hih chun danleh nangle kei vaigei thei I hi tih eimuh dawk sak hi.

1. Na lungthim a ngaihtuohna chuh thagau lamsanga taksa le khawvel lam a hatzaw ta!

(Deu 1:27-36, I Kings 11:1-4)

2. Lalpa lam sanga nangmah lam zawk hung ngaikhawk ta! (Johan 6:26, Phil 2:4, Matt 22:37-39)

3. Pathien lama pata petmangte lainatna tasam ta! (Ps 18:1, 119:11, Hosea 6:1, Mal 3:7)

4. Na nun le khan a Thienthona sanga buokna lamzawk manawh zaw ta! (I Cor 6:9, Gal 5:19-21, Ephe 5:5, Heb 12:14-17)

5. S a p c h u o m t e kipawlkhawmna telloh khawksa talo! (Church Gathering)! Hebrai 10:25)

Mite et dan dingchun, amangthai le hita maithei ahi, hilele nang leh kei in mikhat le Pathien kal chuh bangmah cha het I nei

**KRISTIEN NUNGTAWLH/
NUNGCHAWN
(BACKSLIDE)**

Tv. Lalminlun Aric Gangte

Thumakai:

Mi tamtak buoina leh kinielna chuh tunia I thupi’u Kristien (piengthak) nungtawlh/nungchawn thu hih ahi, khenkhat in Kristien diktak chu a nungchawn theipuo ti pawla a um a, Kristien hilele nungtawlh/nungchawn chu thil umthei zuol ahi tile aum ui, zieziekchun, tuni’n nangle kei inle theih kham kham in ziethu hi a na en khawm hitiu. Lunggil a paucham kawmin in a na simin.

Kristien nungtawlh hih bang tihna a him?

Kristien nungtawlh I tih tieng le mawk ngaihnepe, a hihlohle mawk zihâwt mai ding a hi puoi. Kristien nungtawlh tih umzie tak chuh, “Krista hinna neita, hilele lemchang lohna zieka Krista naih zaw di lai chuh, hung leh gamlat zaw ta” tihna ahi. Kristien nungtawlh chuh kuo himkhat

lampi dika chieh sanga lampi dikloa a na kihei kha zaw ta, zie chu thagau lam I gen nau ahi. Hun khata kha chuh Krista nungzui hihna kha ana puo zo mahmah hilele tuchunga hih nidanga a hat guola a kha hatzo talo in, suolna khuk a ana kie kha ta tihna ahi. Nungtawlh mi het theihna zat chuom chuom hung um ina, Etsaknan: Ho-in ngaihnatna um bek talo, Krista lung hawl zo talo, Pathien nasepna lama kuhkal zo talo, Krista neih masanga lamlui kha a na hawh kit’a, tih haw hi Kristien nungtawlh hung kihet dawkna haw chuh ahi.

Mi khenkhat te’n chuh, Nungtawlh na nei mite chun Hukdamna le athatsuok tau hi, tihna ahi tipawl le aum ui. Khawi bang chu hitaleh, khat vei Krista Lal le Hukdampa dinga dik tak leh dettaka ana kipawm te chuh Krista a a gah mang talo ding tihna ahi (Johan 10:28-29).

Pathien in a cha tia a a simte chuh a mah insung mite laka patchun bangmah tika hung pekdawk talo ding ahi, khat vei a in a na valut nak nak chun, a ziekichuh Lalpa chuh Lungsietna Pathien ahi (I Johan 3:8). Nungtawlh I tih tiengle bang a him khat, masawn touzel dinglai chuh hung niem zaw ta, Krista lamsanga khawvel lamzawka hung ki buol pan ta, amah thu ngena tawih guo ta, tih haw hi a hi, tunia Kristien nungchawn chu (the backslider is only showing his colour). Zieziekichun, Kristien a dinga nungtawlh hi hun chawmkhat a dingin thil umthei ahi a, hinlah hetnasa haw, tup mawnga vabawl a hih lechuh “Pienthak na dik taktak anei nam?, anei puom” tih kha dawtna hung hi masapen mai ding ahi.

Kristien nungtawlh chuh hukdam ahi nalai dem?

Zie tawbang dawtna hih, mi tamtak ki debate na leh mi tampi buoina chu ahi. Nungtawlh kiti chet hi chuh Thuthun thaka muhding aum puoi. Hinlah, Jews te chun Pathien in deihtelna a piek chuh mangthiem loh in

Lalpa douna leh lungnat na ding ana bawl sekun, gitloh na hawu chuh ahung hih kit sek ui (Jeremia 8:9). Ziehaw ziek hi ahi, Lalpa tawh kicham kit theihna dinga kithawihna bawl tei dinga thupiek, pieka a um u chu.

Kristian inle gitloh I bawl zing ui (I Johan 1:8), hinlah Kristian hinkhuo chu amah a gitlohna hinkhuo a pat et ding ahi poui. Mihiem khat in Krista a hung neih a pan chu hinkhuo thaka lut ahi tai (2 Cor 5:17). Thagau thiengtho chuh ei uh ah aum in, a gah pha ei muhsak hi (Gal 5:22-23). Kristien hinkhuo chu hinkhuo kitheng ahih ding ahi. Kristien gitloh na neite chuh bang chan hilele ngaihdam hiding ahui in, hinlah Christian kahi tia gitloh hih zing zing chun Pathien tawh amah kal kizawpna anei puoi tih ding ahi. A chung a dawtna ah, “E/yes....Kristien diktak chun gitlohna hih lele a hukdamna a sukhapuon, a mang puoi, hinlah, mi gitlohna hinkhuo bawl zinga, gitlohna gal kizawh sakmi chu Kriistien diktak a hi puoi”.

Jonah, chu Pathien adinga ginum tak mi ahia, hinlah amah le a

nungtawlh thei zel hi, Pathien in a sawlna lam a chiehloa a mah utna lam zawk a zuon tai. Pathienin Jonah lampi dika puhi a hih theih nadin a chiehna lampi ah huihpi hat tak a sawla, ziechun amah chauh gimlo in, lawng sunga chute cheng inle gimtheihna athuok vek ui. Nangle Lalpa a pana na taihmang guot ziekin nang chauh in thuok lo maithei na hia, na insung mi leh na guol ten le athuok thei ui tih he zing in. Nang, Pathien lampi na hung pelh tieng le nang chauh in na thuok puoa, na insung mite, na guol le paite, chun mi tampi’n nahet loh vangin athuok ui tih tunia nahet ding ahi. Etsaknan: David gitloh ziekin amah chauh in athuok puoa, amipi sang tam takin athuok ua, a thih lawh ui. Pathien lama pan a na hung nungthawlh tiengle Lalpa mel kipahna a pan in napet tai tihna ahi.

Pathien in Kristien nungtawlh te a zihawt em?

Jeremia 2:19, ‘Na gitloh na ngêi chun hun thawk sak intin, na nungchawn sek na haw chun hun hihlgaih ina; mei kihchak

na neilo a Lalpa na Pathien na taihsan hih thil gilo tak leh kha tak ahi, tih hi hun hedawk in muchien inla tih hi, Lalpa Sepaihte Lalpa kamsuok ahi. Kristien, nungtawlh chu, Lalpa deihlam ngaihtuoh zaw talou a, amah ut thu leh amah deihdana hinkhuo ahung manga, Lalpa Pathien kawma kituklut ding ngaihtuoh talo a, amah thu thu a hinkhuo hung mangsek chu ahi. Nungchawn hih Lalpa’n demna anei hielpuoi. Aziiekchuh, mihiem tisa utna leh diehna kha Lalpa’n ahetspih mah mah hi, Lalpa’n nang a hung hizawt puo a, gitloh kha a hi azihawt chuh. Ziechuh, ahih ziekin tunin nungchawn hile thil umthei ahin, hinlah hetna sa sa ngitloh vabawl na hih le vang chuh ngaihdamna chuh chang loh hiel ding na hi.

Bible in Kristien nungtawlh bangti a gen em?

I Johan 1:9 na chun, ‘I gitlohnau I phuon u chun chuh, eihaw gitlohna ngaidam ding leh, I didtat lohnau cheng tauh ngim dingin, amah chuh a taksan umin, a diktat hi’ (Johan lehkha thak hi pienthak sa te kawma thak